

府君存惠传 1 卷

No. 2860

府君存惠传

府君讳存惠。字察远。号怀气义。夙抱温案文武之道。相兼宽猛之诚。共济善乘鞍马弓开而猿猴先啼颇晓阵图施設而纵擒自在。故得入于侪辈。折旋以越于常伦。凡居□寮起就。独彰于群彦。金谐众□举。荐人多寻沐□君主慎求。遂乃起升班秩不注。司局清畏人知。让宝越于前贤。知足过于后辈。将谓辕门之内分。□□君主之□忧州府之中。设机谋之佐国。岂期地火暗背。灵性归常空。留白王之肌肤。不闻黄金之美语。妻居孀室血泪交流。此世难遇于鱼鰕。别后须凭于鸟字。遂请丹笔。辄会容仪。又邀儒生以赞芳美。乃赞曰。府君天然貌。神理有多般。入众人皆敬。出君他比难。文请孔氏学。武拜楚王坛。荣禄君恩重。功劳自有千。弹弦五音足。诗唱四声全。综核于州府。神谋着在边。岂期逝水早。暗地鬼来先。堂上空有步。庭前见没缘。官寮皆动哭。妻室又悲前。邀尽生前貌。贵徒后人看。他年蒿里下。水镇向黄泉。鸟字须凭远。虫文辄要传。

府君讳存惠。字察远。其先着姓。殷王武丁之派。陇西伯阳之苗。谱谍颇明略而言矣。而乃指树命氏射□留芳。白马东来。青牛西去。因化胡国以留子孙。至□今为炖煌人也。曾祖墨厘军事守。瓜州刺史。金紫光禄大夫。检校尚书。左仆射。兼御史大夫上。柱国讳皇祖。管内都计使。银青光禄大夫。检校。兵部。常侍。兼御史大夫上。柱国讳绍丘。皇考归义军。节度都头摄。石城镇遏使。银青光禄大夫。检校。左散骑常侍。上骑。都尉。讳安亡男。内亲从都头知右左霜。马步军都校练使。检校。兵部尚书。兼御史大夫上。柱国阴住延皇妣小娘子。武威郡阴氏 亡叔。节度押催录。青光禄大夫。检校。国祭酒。兼御史中承。讳安定 亡男。内亲从者头。银青光禄大夫。检校。右散骑常侍。兼御史大夫。阴住千 兄释门僧正。临坛供奉大德。兼义学法师。赐紫沙门法定 府君武功早备。文业夙彰。纔伸理国之方。不遂匡 君之道。岂期齐譌暗唱鲁句。先吟魄引惊波魂随逝水。于太平

兴国五年庚辰岁正月乙亥朔二十六日庚子。枕疾终于修文坊之私弟矣。取其年二月甲辰朔三日丙午。权殡奠高里阳。开河北原之礼也。别卜年华葬于先莹矣。妹聿都头邓庆顺□□□□。外弟都头曹佑崇。并宗连骨血义亲枝。或早逝于泉台。或现存于内外。倚卢痛切牵仍弟妹之腸枕魄魂消。交流女男之泪。世事遂年华私改。声名随日月消。亡贵凭鸟迹之文。以记龙头之碣。铭曰。天列星辰号必膺。贤才风云契会兮。君臣偶谐不入。倚建兮冰清玉洁。一方断割兮列直难回。将谓村巷兮水为综核。何期风送兮魄赴夜台。松椒寂寂兮空覩狐兔。窸窣传远兮唯石是牌。千秋记遐兮莫非鸟字。万载留芳兮笔墨者哉。于时太平兴国五庚辰岁二月三日题起。

---

【经文信息】大正藏第 85 册 No. 2860 府君存惠传

【版本记录】CBETA 电子佛典 Rev. 1.6 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，陈妙如大德输入，北美某大德提供

【其他事项】本数据库可自由免费流通，详细内容请参阅【中华电子佛典协会数据库版权宣告】

---